

376
623
LETTRE
DE MONSEIGNEVR
L E
PRINCE DE CONDE
A MESSIEVRS
DE PARIS.

A PARIS,

M. DC. L.

265
103

LETTRE
DE MONSIEUR
LE
PRINCE DE CONDE
A MESSIEURS
DE PARIS

A PARIS

M. DC. L.



LETTRE DE MONSEIGNEUR

L E

PRINCE DE CONDE

A Messieurs de Paris.



ESSIEURS,

Je vois à la vérité qu'il ne se trouue plus d'amis dans l'affliction ny dans le mal-heur; & c'est avec raison qu'Ovide nous en a si sagement adverty en ses deux vers:

Donec eris felix multos numerabis amicos.

Tempora si fuerint nubila ; solus erio.

A ii

Mais quoy qu'il en soit, Messieurs, il n'est de si mal-heureux qui ne vueille tousiours rendre au but de sa iustification : Ce que ie voudrois entreprendre si l'on auoit autant d'attention, & de patience pour m'escouter, que i'ay de passion & de volonté à vous le faire conceuoir.

Mon dessein n'est pas de blasmer les iugemens du Roy; ils sont trop iustes, pour dire que ie m'y opposerois: mais comme l'on peut dépaindre à double face, aussi bien que Ianus à deux visages, l'image de nos pretentions, deguiser, dis ie, la matiere pour blasmer la sincerité que i'ay tousiours eu à son seruice: Il se peut faire, de mesme que quelques-vns de mes ennemis n'aye, peut-estre, plus r'apporté mille fois de mes entreprises que le Ciel n'en à iamais cogneu en moy.

Ce glorieux Monarque que Dieu a mis sur le Throne François, pour gouuerner la plus puissante Monarchie du monde, & pour encore reuiure la memoire de ses Ayeuls (& ne se nomme r'il pas aussi de Dieu donné) pour vne infailible marque de sa grandeur, & pour faire voir combien il veille à sa protection & aux aduantages de sa Couronne: Pour dire que ce ne seroit d'ont par consequent vne temerité par trop impudente de vouloir (non entreprendre) ains seulement penser à la moindre atteinte n'y au moindre desir de luy desplaire.

Mais quoy qu'il en soit, me voila estimé Criminel, & r'enfermé dans vn lieu, en fin où i'ay beaucoup

coup de loisir, d'exercer ma patience, & dans vn seul moment priué de tous les honneurs que mon bras, & mon espee m'auoient acquis, & cette fameuse Renommée qui auoit volé de moy iusques dans les quatre coins du monde, ternity à moins de rien ma gloire, flétry mes palmes, effacé la memoire de mes illustres actions, de l'éternel souuenir de la posterité, & chassé honteusement comme vn second Phaëton d'auprès de ce Soleil, dont la seule veuë me faisoit entierement reuiure.

Que l'on mette toute fois dans la balance, tous les biens que i'ay fait à la France, les hazards où ie me suis exposé pour la conseruation les occasions que i'ay tousiours souhaitté, pour vous tesmoigner, & ma fidelité, & ma bienvueillance : Et puis l'on iugera par là si Condé qui auoit arboré les trophées de son Roy, gravé ses lys & planté si loing ses estandars, auroit eu l'ame si lasche & si effeminé, pour loger chez uy vn Demon si pernicieux, que le monstre dont il est accusé d'auoir produit au iour.

Mais encore, Messieurs, dans les cœurs les plus exempts de la compassion, il ne se trouuera pas de si barbares qui ne vueille accópagner de leurs regrets mes plaintes ? Et qui considereroit l'estat de ma vie passée, avec ma vie présente, ne desploreroit mon sort, & mes calamitez dans ce rencontre du lieu, qu'outre mon mal & ma douleur, de me tourmenter encore de leurs iniures ?

B

802 528
 Méditez seulement sur cet accident, puis que le suiet en est si beau considerant l'estat de vos conditions, & puis les plus reuelches apprendront par l'inconstance de nostre fortune, combien son instabilité se ieuë des grandeurs & des vanités mondaines.

Puis que Condé, qui sans se vanter, auoit braué la mort, affronté ses ennemis, & foulé au pied les plus puissantes forces des Herauts de son temps, est à present vaincu de peu de monde, mis au fers; luy seul qui auoit fait captif les autres, mocqué de ses ennemis: luy qui les auoit morgué & qui auoit mille fois mis en déroute tous les plus mauuais desseins qu'ils auoient iusques à present tramé sur sa personne.

Non, non, si i'estois digne de larmes i'en verserois vn torrent pour desplorer vn mal-heur si funeste. Mais comme ie n'ay iamaïs manqué de constance n'y de valeur dans toutes les occurrences qu'il pourroient requerir, ie ne manqueray point aussi de patience dans vn lieu où les plus hardis perdroient toute leur contenance.

Mais enfin, ie seray tout à fait consolé en mon affliction si vostre clemence à esgard a mon infirmité, & si nos voix ne proclame plus pour m'acabler d'auantage ses imprecations, que ie n'ose nommer, & qui n'appartient qu'à des ames viles & abiectes, pour se venger de ses chimeres qui troublent malgré eux leur Repos & qu'il leur donne plus d'inquietudes que les Dieux n'en

7
ont iamais, selon la fable, dans l'election de leurs
officiers. Ne condamnez pas Condé, qu'il n'ait
esté declaré tout a fait criminel, & s'il reçoit de
vos faueurs, cette courtoisie qui est inseparable de
vos bonnes mœurs & du bon naturel que l'on
vous estime, ie vous assure, qu'en reuange de cet-
te grace que ie vous demande que Condé ce dira
encore vne fois.

MESSIEURS,

Votre tres-humble
Seruiteur C.

ont jamais, selon la sâble, dans l'elction de leurs
officiers. Ne condamnez pas Condé, qu'il n'ait
esté déclaré tout à fait criminel, & s'il recoit de
vos fautes, cette courtoisie qui est insupportable de
vos bonnes mœurs & du bon naturel que l'on
vous estime, ie vous assure, du en renange de ces
le grace que ie vous demande que Condé ce dira
encore unefois.

MESSIEURS.

Vostre tres humble
Seruiteur C.